

M080: Rheinauer Gebete

1r,1 dô er daz eiter an der hant hâte und er ime vile
 1r,2 sêre vorhte . ich manen dich sîeze hêrre daz dû
 1r,3 –[.] [der] selbe got bist der dû ouch dô wære
 1r,4 [dô] [dû] wandelest daz vreissam eiter in den sîezen
 1r,5 [smack] also verwandele mich eiterigen schelkîn
 1r,6 [unde] mich bluotigen sîntæren unde mich stinkenden
 1r,7 in die sîeze dîner tugenden . hêrre vernim
 1r,8 mîn riuwe also dû vernæme den schâchære
 1r,9 dô er neben dir hangete an sîner jungesten
 1r,10 riuwe . hêrre vernim mich verborgen sîntæren
 1r,11 also dû vernæme den offenen sîntære Dâvîden .
 1r,12 hêrre vernim mich liehtelôsen also dû vernæme
 1r,13 den blinden der dâr rief “hêrre Dâvîdes sun
 1r,14 genâde mir .” unde entliuhte die blindenissede mînes
 1r,15 herzen also dû entlûhtest sîniu ougen . hêrre
 1r,16 entuo ûf diu ôren mînes herzen also dû ûf tæte
 1r,17 diu ôren der touben . hêrre gereine die unsûbere
 1r,18 mînes herzen also dû gereintest die miselsûhtigen .
 1r,19 hêrre gerihte die krûmbe mînes
 1r,20 herzen [also] [dû] [gerihtest] die halzen unte die
 1r,21 lamen . hêrre genere die ungesuntheit mînes
 1r,22 herzen also dû ernertest die hungersûhtigen .
 1r,23 hêrre entsliuz mînen munt ze dien wârhaften
 1r,24 kôsen also dû entslûzze den munt der stummen .

1v,1 hêrre [vernim] mîn âmerlichen stimme . also
 1v,2 dû vernæme Marîen unde Marthen über [ire] [tôten]
 1v,3 bruoder . hêrre erquicke mich von [allen] [unreinen]
 1v,4 gedanken also dû erquihtest den [tôten] [in] [dem]
 1v,5 hûse . hêrre erquicke mich von allen [ûbelen] worten
 1v,6 also dû erquihtest den tôten under der porte . hêrre
 1v,7 erquicke mich von allen ûbelen werken also
 1v,8 dû erquihtest den tôten von dem grabe . hêrre
 1v,9 [vernim] mîn eiferlichen trâne durh die lieben
 1v,10 trâne die dû lieze dô dû Lazarum . erquihtest
 1v,11 unde umbe die zerstoerde Jerusâlêmes . hêrre vernim
 1v,12 mîn leitlîchen stimme also dû vernæme
 1v,13 Susannen dô si erteilt wart ze deme tôde . hêrre

1v,14 erquicke mich von allen mînen sünden also
 1v,15 dû erquihst die zungen Daniêles . hêrre
 1v,16 vernim mîn wuofenten stimme also dû vernæme
 1v,17 Tobiam unde Saren . hêrre vernim den ruoft
 1v,18 mînes herzen also dû vernæme daz ruofente
 1v,19 herze Moyses dô er niewet ne sprach . hêrre
 1v,20 vernim mîn anedæhte also dû vernæme die
 1v,21 anedâht Marien Magdalênen dô si dîn vuoze
 1v,22 dwuoge mit [ire] trânen . hêrre vernim mich süntigen
 1v,23 ruofæren also dû vernæme daz heidenische
 1v,24 wîp der dû ire tochter vore dem tiuele ernertest

2r,1 also vertrîp ouch dû von mîneme herzen [die]
 2r,2 âkuste des leiden tiueles . hêrre lâchene [mîn]
 2r,3 herze von der übelen siechheit [also] dû die siechen
 2r,4 geheiltest . hêrre heile mich durh [die]
 2r,5 heile die dû uns gæbe [ane] dem hêren kriuze .
 2r,6 unde heile uns hêrre durh die heile die dû gæbe
 2r,7 dem siechen wîbe diu sich verborgene an [dîn]
 2r,8 gewant ruorte . unte durh die heile die dû tæte
 2r,9 dem betterisen der selbe sîn bette enwec truoc
 2r,10 unde – – durh daz wazzere dâ daz liebe holz inne
 2r,11 lac unte durh alle die genâde die dû ie iemanne
 2r,12 getæte dem es durft was . ich manen dich [unde]
 2r,13 loben dich der minne der dû mir scheintest [dô]
 2r,14 dû mich geschüefe nâh dîn selbes bilede unde dû [mir]
 2r,15 dînen geist in bliese unte dû mich nâh dir selbeme
 2r,16 hieze . gehüge hêrre durh waz dû daz
 2r,17 tâtest unde behalt iz an mir unz zuo mîner
 2r,18 hineverte . hêrre ich manen dich daz dû komen
 2r,19 woltest unte dû geboren woltest werden
 2r,20 unde arm woltest sîn unde dû die mennischheit
 2r,21 [ane] [dich] næme unde erhüge durh waz dû [dazz]
 2r,22 tætest . hêrre behalt iz an mir unz ze mînem
 2r,23 ende . hêrre nû kume ich vile armiu süntære
 2r,24 ze dînen genâden unde klagen dir –[...]

2v,1 –[...] [mîn] vleisch in dîn erbermiclichen genâde daz
 2v,2 vervellet mich vile manige wîs von dînen hulden .
 2v,3 –[...] dem ne mac ich mich gesetzen [lützel] noch
 2v,4 vile wan alsô verre sô mir dîne genâde hilfet .
 2v,5 [nû] ich mich aber [von] ime nie mac geverren dâr
 2v,6 suoche ich aber dîne genâde unde manen dich ouch
 2v,7 des starken unte des guoten der dâ ist unde was
 2v,8 allez daz er wil alde wolte . ich manen [dich]
 2v,9 hêrre daz dich in angst brâhte daz reine vleisch
 2v,10 daz dâr nie gesündete . sît daz alsô ist sô bite ich
 2v,11 dich hêrre daz dû genædic sîst der armen diu

2v,12 [dâ] kreftelôs ist aller tugenden unde aller guoten
 2v,13 unde solt vile wole gedenken daz die vile lîhte
 2v,14 mac überwinden daz unreine vleisch daz dâ
 2v,15 durhvlozzen ist der sünden unte der âkusten . hêrre
 2v,16 daz bin ich armiu süntære dâ über begnâde
 2v,17 mich durh die guoten genâde die dû deme tæte
 2v,18 der sich verborgen hâte hinder die türe vore
 2v,19 sînen sünden unde er dir rief . “hêrre genâde mir
 2v,20 armen süntære .” ich manen dich unde loben
 2v,21 [dich] daz ich vile gerne wære reinere unde kiuschere
 2v,22 durh dîne minne unde durh dîn êre unde durh dîner
 2v,23 süezen muoter willen . nû ne mac ich êr denne
 2v,24 daz mir iz gibet der getriuwe unde der mehtige

3r,1 der mir ouch den gelust unde den willen gap
 3r,2 daz ich iz gerne tæte obe ich mahte . dâr [ich]
 3r,3 nû [ne] mac dâr manen ich dich hêrre dîner tougene
 3r,4 unde [manen] dich ouch der dîner jungeren
 3r,5 die mit [dir] âzen unde trunken unde [dich]
 3r,6 sâhen unde hôrten unde in dîne wunde griffen .
 3r,7 ich manen dich es minne hêrre daz siu des alles
 3r,8 niet genuzzen daz siu wâren durnehtic
 3r,9 êr siu dô wurden ervüllet unde gesterket von dîneme
 3r,10 heiligen geiste als ime quît ire undanc .
 3r,11 hêrre wie solte ich vile armiu süntære ich
 3r,12 dâr bin diu dich leide nie gesach noch gehôrte
 3r,13 unte diu dâr ist daz volle vaz der âkusten wie
 3r,14 solte ich denne iemer dechein tugent gewinnen
 3r,15 alde dechein guot vüre bringen . hêrre dû
 3r,16 ne gebest mir es hêrre iz ne mac niet sîn noch
 3r,17 sol niet sîn des erhüge durh dîn vaterlîchen
 3r,18 namen unde en muote niewetes vone mir wan
 3r,19 des dû mir gegeben habest . ich manen dich hêrre
 3r,20 daz ich mich gelîch dunke dem vogele der [in]
 3r,21 dem neste lît blôz unde blint . der ne mac [tuon]
 3r,22 niet vile mêre wan er ginet engagen sîneme
 3r,23 getriuwen wende er ime daz âs [bringet] . hêrre
 3r,24 alsô tuon ich engagen dînen genâden . ich [bin]

3v,1 blôz der tugenden unde [bin] blint [in] dien
 3v,2 sünden . hêrre daz büezet mir nieman
 3v,3 iz ne tüeje der kreftige unde der gewaltige
 3v,4 [von] dem himele . dem [ich] [des] getrûwen .
 3v,5 [hêrre] [in] dînen genâden ie –[...] [zile] ich unde – .
 3v,6 –[...] [in] [dem] geluste unde in dem willen daz ich
 3v,7 dich vile gerne wolte minnen in der vaterlîchen
 3v,8 süeze swenne sô dû ez an mir machen wilt .
 3v,9 hêrre dâ mite warten ich hungerliche engegen

3v,10 dînen genâden wende dû mich æzest mit
 3v,11 [guoten] werken unde mit der sibenvaltigen gifte
 3v,12 des heiligen geistes . hêrre nû kume ich
 3v,13 armiu süntære ze dînen genâden mit der süntigen
 3v,14 bürde mit der übelen wurzen der sünden
 3v,15 unte ir gestungede der âkusten daz dû mir
 3v,16 si abe nemest wande dû der starke unte der guote
 3v,17 bist . des bite ich dich erbarmeherze hêrre .
 3v,18 durh die lieben bürde die dû trüege dô dû dîn
 3v,19 kriuze ûfen dich næme dâr ane dû mich loesen
 3v,20 woltest . durh des weges êre den dû gienge in
 3v,21 den vaterlîchen willen sô vüere mich an einen
 3v,22 wec der dir gezeme . ich [manen] dich hêrre
 3v,23 [dazz] [dû] verrâten unde gevangen würde unde
 3v,24 [dû] bescholten unde bespotet würde unde ane

4r,1 –[...]
 4r,2 –[...]
 4r,3 –[...]
 4r,4 [dîn] [edelen] [ougen] –[...]
 4r,5 diu hêren – [mîner] –[...]
 4r,6 unde [in] –[...] [mir] –[...] [durh] [die] [gedult]
 4r,7 sô dû hâtest sô gip [mir] [dîne] [gedult] –[...]
 4r,8 ich manen dich hêrre daz ime [sluog] [ûfen] –[...]
 4r,9 hals hêrre durh den slac sô erslach an [mir]
 4r,10 [dazz] [unreht] . ich [manen] [dich] [hêrre] [dazz] [dû] [gebenket]
 4r,11 [unde] [genegelt] [würde] [ane] [dazz] [heilige]
 4r,12 kriuze unte dû dâr ane verquæle unde bekoretet
 4r,13 des grimmen tôdes . hêrre durh den tôt sô ersterbe
 4r,14 an mir die lebelîchen sünde wande
 4r,15 dû dâ heizes der tôt des tôdes . ich manen [dich]
 4r,16 hêrre daz dû dînen vater riefte dô dû quæle an
 4r,17 dem hêren kriuze . hêrre durh [die] [serpfen] [nôt]
 4r,18 unte durh [den] sêriclîchen ruoft sô [vernim] [mich] [armen]
 4r,19 ellenden [wante] –[...] [ûzer] [der]
 4r,20 [grôzen] vreise mînes [unrehtes] [dâ] [ich] [inne]
 4r,21 [bin] . ich manen [dich] [trûthêrre] [dazz] [dû] bevülhe
 4r,22 [dîn] trûtmuoter [ane] [dem] [kriuze] [dem] [süezen]
 4r,23 [Johanne] [in] [dazz] selbe – [...] [ich] [dir]
 4r,24 mîn [sêle] unde mîn [lîb] – unde

4v,1 –[...]
 4v,2 –[...]
 4v,3 –[...]
 4v,4 –[...] – [...] [hêrre] [dazz]
 4v,5 –[...] [nû] [bite] ich dich mîn
 4v,6 [hêrre] [durh] [diu] –[...] – [...] [dâ] mite dû verquæle
 4v,7 [ane] [dem] [hêren] [kriuze] [dazz] dû mich generest

4v,8 [als] [ich] dir gezeme [in] [dîner] schare . nû
4v,9 [bite] [ich] [dich] [süeze] [hêrre] durh daz reine gewant .
4v,10 [dazz] [dich] [in] [want] [dô] [dû] [von] [dem] [kriuze] [genomen]
4v,11 [würde] [dazz] [dû] [mich] [ane] [wætest] [mit] [der] sibenvaltigen
4v,12 gebe des heiligen geistes als ich dir
4v,13 gezeme in dînen ingesîde . ich manen dich rîche
4v,14 hêrre daz dû begraben woltest werden nû erbarme
4v,15 dich mînes trûrôdes durh allen den trûrôt
4v,16 der dô wære in himele und in erde dô dû begraben
4v,17 würde . ich manen dich himelische hêrre daz
4v,18 [dû] [zuo] [der] [helle] [vüere] [unde] dû mich dannen ûz
4v,19 næme –[...] nie wande
4v,20 [dû] [dâ] heizest der biz der helle . nû bite ich dich
4v,21 [milte] [hêrre] [durh] alle [die] vröuwede diu dâr dô würde
4v,22 [in] [himele] [unde] [in] [erde] dô dû erstüende unde durh die
4v,23 vröuwede [hêrre] –[...] – [dû] mich ervröuwest mit
4v,24 dîner –[...] – getriuwen . nû bite –[...]